



SULEQATIGISSITSISUT

SAMARBEJDSPARTIET

EM2019/58

Tillie Martinussen

17. oktober 2019 – 1. behandling

**Inuussutissanik immuup sukkuanik akoqanngitsunik pisariaqartitsisunut qanoq
akikinnerulersitsisinnaanersugut pillugu misissuinissamik aallartitseqqullugit Naalakkersuisut
peqquneqarnissaannik Inatsisartut aalajangiiffigisassaattut siunnersuut. Misissuinermi
naatsorsorneqassaaq innersuussutit ataasiakkaat aningaasatigut inuiaqatigiinnut kinguneqassanersut.**
(Inatsisartunut ilaasortaq Justus Hansen, Demokraatit)

Qularutissaanngilaq sapigaqartunut nerisassat nunarsuarmi sumiiffipassuarnut allanut sanilliullugu
Kalaallit Nunaanni inunnut sapigaqartunut nerisassat akisunerujussuusut.

Tamassuma misissorneqarnissaa pitsasuussaaq, ilumoorluinnarlatali isumaqarpugut peqqinnissaqarfimmi
inuussutissanillu sapigaqarnermik paasisaqaqnermi ajornartorsiertoqaliassasoq.

Ullumikkut kapitillutit misissorneqarsinnaanngilatit sapigaqarnerit paasiniarnissaannut
ikiorneqarsinnaanngilatit, sapigaqarneq annikillisinniarlugu timip akiuussutissaanik
misileraasoqarsinnaanngilaq imaluunniimmik inini oqut naggataatigut sapigaqalersitsisartut
annikillisineqarnissaannut ikiorneqarsinnaanngilatit.

Sapigaqartut ikiorniarlugit qanoq periuseqalersitsisinnaanersoq takujuminaatsipparput, tassa tamakku
nunatsinni paasineqarsinnaanngimmataluunniit.

Tapiissutit nutaat nuannerinngilagut, maannakkull isumaqarpugut aningaasat assersuutigalugu
peqqinnissaqarfimmi pitsaunerusunut allanut atorneqarsinnaasut.

Uani kissaatigineqartoq iluarinarpooq, isumaqarpugulli nerisassanut tapiissuteqalinnginnitsinni
sapigaqarnermi paasinissamut, illut iluini silaannarmi sapigaqarlersitsisartut suujunnaarnissaannut
periarfissiisariaqartugut.

Immaqa taamaallaat piitsunut meeqlanullu aaqqissuussinermik suliaqartoqarsinnaavoq?
Imaanngilaq iluarsimaarnanngitsutut isumaqarfigigipput, pissutaaginnarporli tapiissuteqartoqanngipat
tamanna qanoq ingerlanneqarsinnaanesoq takusinaannginnatsigut, tamannalu allaffissornikkut
aunneqarsinnaanngilaq.

Taamatut oqaaseqarluta nioqqutissat laktoseqanngitsut qanoq akikinnerulersissinnaanerigut
siunnersuuteqartup qanoq isumaqarneranik pitsaunerusumik nassuaasoqarnissaa paasiniaasoqarnissaalu
kissaatigalugu siunnersuut una ataatsimiititaliamut suliassanngortippalut.

Apeqqutigaarpullu nerisassanik allanik sapigaqartut qanoq inissimalissatut, apeqqutigaarpullu
nerisassanik sapigaqarnermi peqqinnissaqarfimmi paasiniaasoqarsinnaanersoq.

Kingulliullugu minnerunngitsumilli assersuutigalugu nappaammik suussuliisarnissamut,
paasiniaasarnissamut napparsimavinni nutaanik atortoqarnissamut immikkullu ilisimasalinnik
nakorsaqalernissamut aningaasat atorutsigit imminut akilersinnaanerunersoq.

Aammami pingaanersiuinissaq apeqqutaavoq.